



Reglament Structuras dil di

Scolas Vischnaunca da Breil

Situaziun da partenza

Adina dapli geniturs giavischan structuras dil di complementaras. Quei ei il motiv che la regenza grischuna ha relaschau ils 19 da mars 2013 in'ordinaziun sebasond sigl art. 97 dalla lescha da scola grischuna e sigl art. 10 dalla lescha davart la promoziun dalla tgira d'affons complementara alla famiglia.

El davos quartal digl onn da scola eruescha quella mintgamai il basegns. Quella duess succeder per regla pér il mument ch'ils uraris da scola ein enconuschents. Quel fuorma per ils geniturs in basa per decider tgei unitads ch'ein cunvegnentas per els sper las uras da scola, resp. sper las uras da bloc.

Reglament da menaschi e tariffas

Art. 1 Basegns

In basegns ei indicau, sche las persunas cun la pussonza da geniturs da sil pli pauc otg scolaras e scolars s'obligheschan da far diever d'ina certa unitad d'assistenza per igl entir onn da scola. (art. 6, ordinaziun davart structuras dil di).

Il basegns vegn eruius ina gada ad onn, sil pli tard 2 meins avon l'entschatta digl onn da scola (art. 6, ordinaziun davart structuras dil gi).

Art. 2 Purschida en general

Las structuras dil gi vegnan purschidas durant las jamnas da scola senza ils firaus, gliendisdis entochen venderdis, dallas 07.30 – 18.00 uras.

Las structuras dil di consistan dallas suandontas purschidas d'assistenza: avonmiezdi, miezdi cun gentar, suentermiezdi.

Art. 3 Purschida durant il di

1 Purschida avonmiezdi (07.30 – 07:50 / 08.10 uras)

La scola porscha la pusseivladad da far pensums cun survigilanza.

2 Purschida da miezdi (11.45 – 13.15 uras)

La scola porscha ina meisa da miezdi cun survigilanza dallas 11.45 – 13.15 uras.

3 Purschida suentermiezdi (13.30 – 18.00 uras)

La scola porscha activitads survegladas adequatas als affons annunziats (p.ex. pusseivladad da far pensums, activitads sportivas, purschidas creativas etc.). Il program detagliau sedrezza tenor las annunziats e vegn communicau all'entschatta digl onn da scola.

Tut las purschidas ein mo lu garantidas, sche sil pli pauc otg scolaras e scolars fan diever dad ellas.

Art. 4 Presenza ed absenzas dils affons

Per affons annunziai ei l'unitad elegida da principi obligatoria. Per absenzas e cungedis valan las medemas reglas sco per il temps da scola. Ils affons han dad esser punctuals sin l'entschatta dall'unitad el liug indicau.

Art. 5 Annunzia per las structuradas dil di

Ils geniturs inoltreschan l'annunzia alla scola sil termin indicau. Cun la sottascripziun dil formular d'annunzia per las structuradas dil di ei l'annunzia ligionta ed ils geniturs van d'accord cun il reglament corrispundent inclusiv la survesta da tariffas. L'annunzia vala mintgamai per in onn da scola.

Art. 6 Exclusiun dad in affon

Sch'in affon maunca pliras gadas senza perstgisa ni sche las pretensiuns educativas survargan las pussevladads dil personal, dat ei in discuors culs geniturs. Dat ei negina migliur dil cumportament, sa la scola excluder la scolara / il scolar temporarmein u definitivamein dallas structuradas dil di. In exclusiun temporara deliberescha buca ils geniturs dils cuosts per las structuradas dil di. Las tariffas ston vegnir pagadas durant il temps d'exclusiun.

Tariffas / Regulaziuns da pagament

Art. 7 Las tariffas

Las tariffas actualas ein fixadas sin la survesta da tariffas aschuntada a quest reglament.

Art. 8 Quen e pagament

Ils cuosts per il diever dallas structuradas dil di vegnan tschentai a quen posteriuramein. Igl import vegn calculaus cun il diember effectiv dils dis da scola, excepìu ils firaus.

Tier cass d'absenza dat ei da principi negina reduenziun dil quen, excepziuns ein cass da malsogna ed auters cass excepziunals.

Il quen vegn tschentaus duas gadas durant igl onn da scola (fin december; fin zercladur).

Art. 9 General

1 Assicuranzas

Il purtader da scola ei responsabels per il menaschi dallas structuradas dil di, aschia ein ils affons annunziai per las structuradas dil di segirai entras la segirada d'accidents dalla scola tenor lescha da scola (art. 52).

2 Comunicaziun

La persuna d'instrucziun da classa ei la persuna da contact e comunicaziun pertuccont las structuradas dil di el mintgadi. En cass da damondas organisatoricas, finanzialas etc. surpren il menader da scola quella funcziun.

Art. 10 Approbaziun e vigur

Quest reglament ei vegnius approbaus dil cussegl da scola a caschun dalla sesida dils 15 d'avrel 2014 ed entra en vigur cun gl'emprem d'uost 2014.

Danis, ils 15 d'avrel 2014

La presidenta

Il menader da scola

Daniela Seiler

Michael Friberg

Survesta da tariffas

Survesta da tariffas

2014/15

Structuras dil di	Cuosts per unitad (CHF)	Cuosts per affon duront in onn da scola en francs				
		1 di/j.	2 dis/j.	3 dis/j.	4 dis/j.	5 dis/j.
Assistenza d'avonmiezdi (unitad 1)	5	190	380	570	760	950
Lecziuns da bloc		gratuit				
Assistenza da miezdi (unitads 2 e 3a)	15	570	1'140	1'710	2'280	2'850
Assistenza da suentermiezdi (unitads 3b e 3c)	7	266	532	798	1'064	1'330